

kat.komp.
925120
Mag. St. Dr. III

Biblioteka Jagiellońska

stdr0002194

DECUS Laureæ Theologicæ,

Eximiae Virtuti, & Sapientiae,

Illustris, & Admodum Reuerendi Domini,

D. MICHAELIS SLAWOGVRSKI,

Præpositi Neo-Corcinensis;

Dum in Alma Vniuersitate Cracouiensi,

Perillustri, Clarissimo, & Admodum Rêdo Domino,

D. M. MARTINO WINKLER,

S. Th. Doctore, & Professore, Collega Maggiore,

Præposito Sandomiriensi, Decano S. Floriani,

CANCELLARIO LANCICIENSI,

Contubernij Gelaniani Prouisore,

Sacro Doctoratus Theologici Honore,

Ritu solenni insigniretur,

COLLATVM

Et A

M. MATHIA BROCKI,

In Collegio Majori Regio Professore,

Applausu Gratulatorio

CELEBRATVM.

ANNO DOMINI, 1685. Die 19. Februarij.

DECUS LAVREÆ THEOLOGICÆ.



925120

III

Magno inclytum decore Nomen,
nepoti relinquere mundo ;
Multorum cura potius fuit, quàm euentus.

Nempè,

quos centum stipata meritis, propria non distinguit virtus ;
Sed vel Majorum claritudo, vel Magnorum affectus in promouendo Virorum,
præstigator color depingit ;

apud longa sæcula fulgere contententes, id vnicum præstant ;
Vt inter viuos splendores, fatui appareant ignes.

Præstanti decore conspicuum Nomen,

ætatis Pater, & fons claritatis Phœbus est ;

Sed quem aurora, omnigena virtus præcedit.

Quæ,

ut magna arbores, prolixiores umbras iaciunt ;

Sic sola, Magnorum decora, in plura sæcula extendit.

Seu potius illam solem dixeris,

in qua, suum decus vniuersa, ceu à fonte luminis, minora astra lucem mutuuntur

Nam, quæ sibi magnum decus est,

in aliorum quoq; ornamentum, ex facili concedere potest.

Adhucne Democrite ?

laxas perspicuo labella risu ?

cùm incurras plerosque, in fumo vanitatis, & desidiæ umbris,
famam Nominis, & verū splendorē captantes, hære ibi : operosa virtus,

Vnde mouet tonitru, vibrataq; fulmina jactat.

Et meritò sanè,

quùm vel alieno auxilio, vel alio à virtute, is decor quærat ;
cuius propria virtus, incus est ; & Magistra.

Quid in Regno Sapientiæ ?

vbi honos absq; meritis, contumelia est.

An sapientiæ Proceribus, prius publica gloriæ lux affulserit ?

quàm priuatim, ad Cleanthis lucernas, & lychnos Epicteti,

noctes Atticas accenderint ?

Pauca siquidem Mundi negotijs intento, ad decus parandū sufficiunt ;

Sapientes vix satis habent, cùm ardua omnia vincant ;

Quorum

Quorum illustre decus, neutiquam Seruij Tulli corona est,
cū hęc dormientes etiam ambiat, illud vix vigilantissimis contingat;
& quò majori comparatur sudore, eò splendidius fulget.

Ejusmodi eruditæ gloriæ decore, Tu quoq; coruscas,

Illustris, & Admodum Reuerende Domine,

D. MICHAEL SŁAWOGVRSKI,

Præposite Neo-Corcinensis;

Ad quod, sueto magnis mentibus passu contendisti,
cū fauentem Tibi clavis Natalibus Lucinam, in censu minimè ponens;
à Parnassi luco, Auito splendori Tuo lucem quæsisisti.

Hinc Musis amicum, Gentilitium Sidus tuum,
omen Tibi togati decoris, an calcar extiterit? incertum haberetur;

Nisi alienum esse ab Ephoro calcar, extaret:

Quem, Te fuisse, omnia cum laude exacta studia, probant.

Cū in humanioribus, vsq; ad delicias;

In Stoa, & Peripato, ad publica ingenij certamina;

In Diuina scientia, ad victrices olim palmas profecerit;

modò ad Sacras, Theologicæ laurus, coronas.

Sed decora hęc eruditi pectoris Tui, quò nitidius claruerint;

eò accuratius nube modestiæ, tegebas, conscius:

nisi sub plantis latitaret mascula virtus,

Nomen utiq; suum amitteret.

Esse proinde omni elegantia cumulatam potius, quàm videri,

in partem solidæ Sapientiæ cū traheret;

ignaris virtutis suæ, in cursu altiorum Studiorum,

ad calcem tunc consistere creditus est;

verum cū ad columnam deuenisset.

Sed perspicaces eruditionis Tuæ lynces,

cū Epidaurio Serpente acutiùs, mentem tuam cernerent;

non minori Tui æstimatione, quàm boni publici prouentu;

Illustriss: Te Comitibus in Czarnkow, Gubernatorem præsciunt.

Ita merus niuci pectoris Tui candor,

lactee Czarnkouiorum Fasciæ, in Speculum cedit;

vt ab illo, in virtutum formetur coronam:

non mutuatis, ab Auita Principum Słopensium mitra, gemmis;

sed geminis probitatis, & Sapientiæ decoribus, radiantem.

Neq; sinistro fidere, quia Tuo, euenit;

quom inus Orbis Natęcius, cælum fieret; nempe sedes virtutum;

cuius motus vt regularis esset, assistris intelligentia prouidisti.

Verùm à tanto, & tot Principum, Heroum, & Senatorum vinculo,
ad foederis testamenti nexum, & electorū Stolum primā, animū intendis;
cū à candida Fascia, lucis sis candidatus, videlicet Mystes:
illibata innocentis animi Tui lilia, pluribus in escam ouibus daturus.

Siquidem, *Infecunda perit gratia, publica
si nil fructificet rei.*

Excedens proinde Aulā, quantum Tui desiderium relinquis!
ne à DEO desidereris.

Ast desistat modestia Tua, alienos ab Aula recessus, non aliter amare;
quā vnio concham.

Et arcanis quippe illustratur, quem DEVS Ecclesiæ suæ destinat;
vt statuatur in lucis publicæ candelabro.

In vmbra nempe, & cortina sensus de Te modesti,
quamuis Pharios ignes, non accendas ad iactantiam;

Spectatissimus vbiq; lucebis.

Nam bona ingenia, vt palā coronentur; modio suo vel inuita subtrahuntur.

Verū, si extinguentes in se mundani splendoris fulgur,

Magis Diuinum accendunt;

vrgeat quisquis, exempla probæ vitæ prius opere;

ad quæ alios incitaturus est ore:

malè namq; sacræ leges, absque moribus docentium discuntur.

Sed Tu, cū sis idem ore ac opere,

Cōscende Neo-Corcinensis Ecclesiæ Cathedram;

ignito eloquio, vehemens Ecclesiastes.

Et ne solus Apollo, à suis celebretur Oraculis,

Tu Diuinior, sacra omnibus responsa prome.

vnde compunctæ animæ, vt virtutes germinent, vitia demetent;

vt veritatem confirment, errores penitus enervabunt.

Et profectò, æquè zelosus, vt mellifluus Orator,

Binis lustris, nunquam auidius audiri optaris;

quā cū diutius audiris:

vt zelo etiam, qui pro DEO habetur, & salubri veritatis amaro,
gratiam inesse constaret.

Nec domi solum, verū & in vicinam terram exiuit sonus tuus, & verb:

cū Diuorum toties, magnus vbiq; encomiastes,

non exigua Nominis Tui encomia, continuò referas.

Sed his, non aliter integerrimus animus tuus commouetur;

quā fluctibus Oceani, rupes.

Cū propria elogia spernis, Diuino intentus honori,

Quem, vt posteris quoq; sæculis ex Cathedra promoueres,

ac populum DEI erudies perennis;

Ordina-

Dist. 109.

Ordinarij Foundationem, nouis redditibus auxisti.
Sacri nempe laboris præmium, & fructû Fortunæ, lucrum faciens virtutis;
id Vnum Te arbitraris habere, quod in Vsum Diuinum effundis.

Quàm sint gratæ istæ Superis, impensæ!
felix euentus conuincit, cùm Te noui honoris accessione coronat.
Gratiarum nimirum omnium Vinculi, Præsuleæ Fasciæ gratiâ,
imò tanti Principis tersissimo iudicio!
quod mentibus duntaxat selectissimis, sacros dispensat fauores;
Præpositus Neo-Corcinensis renuntiariis.

*Eiusmodi censurâ, non modò ad prærogatiuam,
verum & ad gloriam satis habens;*
quod in tot Candidatorum concursu;
pro Regibus Oracula fundens,
de Te quoq; aureum os Principis, honorificum fuderit responsum;
cùm Præpositum dixit.

Decuit nempe, vt quas, Verbo DEI paut oues, Ecclesiastes,
intimiori quoq; curâ, dirigeret Pastor:
Vtq; ceu animum in pectore suo, sic & regimen Præposituræ deponeret,
Vir summæ Virtutis, & Authoritatis,
Perillustis, & Admodum Reuerendus Dominus,
Bartholomæus Iedlewski,

Decanus Lublinensis;
*Vt vices olim in onere, nunc in beneficio munus Ecclesiasticum sustentans,
Diuino Atlanti, Sacer succederet Hercules.*

Principum oculum, Solem esse;
non aliter, animos curis publicis idoneos, penetrantem;
Vt hic, minimas etiam Protogenis lineas, atomosq; latentes reuelat;
Vel inde constat;

quod tanto Principis Nostri iudicio, gloriose respondeas;
cùm diligens decorem Domûs DEI, in quo Dominum adores;
Splendorem illius, ab instauratione auspicaris,
animo tam magno, quàm opus incæptum, sumptus redditibus maiores, exposcit.

*Sed quo magis conscius, quod erogata opes,
facient sibi pennas quasi aquilæ, & volabunt in calum,
Vt ulterioribus succurrat expensis;*
eò promptius omnes illuc transcripsit.

Phrygio Midâ, Lydioq; felicior Cræso,
quia indeficientis thesauri securior;
in cælo nimirum locati.

Quod, vt sibi arctius deuinceret,
Aurum vltra erogare, bonum esse constituit;
ac proinde benedictione potius Diuinâ,
quàm Pactoli, vel Hydaspis opibus diues,
nouis iterum sumptibus, & curis non parcit;
vt ob censuum defectum, concentus Ecclesiasticus, mutus hætenus,
fieret

fieret deinceps vocalis :
 qui DEVM in hymnis, & canticis laudans,
deuotas etiam mentes, in terris, ad caelestis harmoniae dulcedinem eleuaret.
 Sed Diuinas eiusmodi cogitationes tuas,
 Sacrum, quia Theologici Doctoratus decus, excipit ;
 vt mentis Tuæ sublime, quo intus emines,
 Orbi vniuerso demonstret.
 Solida quidem eruditio, quâ Tu coruscas,
 ipsa sibi decus est, & corona.
vt auri nihilominus metallo, maior splendor ex gemmis ;
ita sapienti uberior gloria, ex publico testimonio venit.
 Quod Tibi eò honorificentius contingit,
 quò pluribus victoriis clarus, ad illud capessendum accedis.
Quidni enim, in eruditi verticis Tui decus, laureâ Theologica concedat ?
cui tot ingeniorum, tot SS. Ordinum, animi confectus,
cum herbam porrigerent, necelebant coronas.
 Imò Tu ipse, pretium hoc non vile parabas ;
 cum benè memor, rerum sublimium debonestamenta esse,
 modicos ad illas conatus ;
 frontem, sapius sudoris gemmis perfudisti ;
 vt pulchrius, Phoebeis effloresceres corymbis ;
 atq; tantò gloriosius triumphares,
 quantò altioribus curis meruisti triumphum.
 Cæsarum ergo, & Victorum gestamen laurus, Te decorat,
 cum Doctorem Theologum insignit ;
 vt inclyta virtus, & consummata Sapiencia tua,
 Sacro noui Gradus decore aucta ;
Sit Tibi, altiorum in Ecclesia DEI honorum omen,
 sit Decus, & corona.

Sub felicissimis Auspicijs,

Magnifici, Perillustri, & Admodum Reuerendi Domini,
M. FRANCISCI PRZEWOSKI,
 S. Th: Doctoris, & Professoris, Collegæ Majoris,
 Ecclesiæ Collegiatae S. Annæ Decani, Scholastici Curzelouiensis,
 Contubernij Hierosolymitani Prouisoris,
 Almae Vniuersitatis Cracouiensis, Generalis, & Vigilantissimi
R E C T O R I S.



